



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Vita B. Francisci Xaverii**

**Torsellini, Orazio**

**Coloniae Agrippinae, 1610**

XIII. Bonziorum doctiſimum, certamine cora[m] Rege inito, vincit.

**urn:nbn:de:hbz:466:1-42323**

nam omnium mortalium, humanorum  
 cadauerum voratorem, per ludibriū ap-  
 pellantes. Deinde in ipsum comitesque  
 eius iactare minas, pericula intendere,  
 nisi incepto desisterent. Infensaque illo-  
 rum ira rabiesque eò demum erupit, ut  
 consilia agitarēt Francisci Lusitanorum-  
 que, per tumultum ex composito excita-  
 tum, in foro interficiendi. Nec fallebant  
 hæc Franciscum Lusitanosque. Sed ille  
 maximum Dei donum ducebat, quod  
 hostes minabantur; id modo cauens, ne  
 improuidè præcipites ad iram animos  
 incitaret: hi verò Regis præsidio testi, in-  
 anes vesanorum hominum minas & in-  
 fidias contemnebant. Ergo Bonziji, post-  
 equam vis non procedit, aliò consilia  
 vertunt.

## CAPVT XIII.

*Bonziorum doctissimum, certamine  
 coram Rege inito, vincit.*

BONZIVS erat Ficarondonus nomi-  
 ne, vnus inter omnes doctrinæ fama  
 maximè inclytus: quippe xxx. ipsos an-  
 nos in celeberrimo Iaponiæ Gymnasio  
 interiores & reconditas ipsorum literas  
 docuerat. Is cœnobio tum præerat Bon-

Q. 30 zio



ziorum, ab eo millia passuum fermè XL.  
 Hunc igitur Bungenfes Bonziz ad certa-  
 men cum Francisco ineundum haud sa-  
 nè ægrè perpulerunt, ratū sibi pulchrum  
 fore, si (quod proclive videbatur) coram  
 Rege vicisset peregrinum Sacerdotem, à  
 quo cæteros Bonzios victos esse consta-  
 ret. Confestim igitur, sex septemue do-  
 ctissimis viris comitantibus, in urbē Re-  
 giā aduolat. Peropportunè eo ipso tem-  
 pore Xauerius Lusitaniq̃ue Regem adie-  
 rant, vt eum valere iuberent, postero die  
 vela facturi. Dum grates pro se quisque  
 agentes comineatū petunt, repente nun-  
 ciatur Regi, Ficarondonum adesse cum  
 lecta Bonziorum manu. Haūd sanè læ-  
 tus (quod ex vultu notari poterat) is nū-  
 cius Regi fuit, verito ne Frāciscus ipsaq̃  
 veritas doctrinæ abundantia obrueren-  
 tur. Ergo vt Regem consilij ambiguū vi-  
 dit Xauerius; causæ bonitate fretus, orare  
 institit, vt Ficarondonum illum, columen  
 Bonziæ nationis, introduci iuberet; satis  
 fidens, vt magna sit vis doctrinæ, maio-  
 rem tamen esse veritatis. Itaque tandem,  
 annuente Rege, intromittitur Bonzius.  
 Qui post vsitata venerationis officia, ro-  
 ganti Regi quorsum veniret, respondit,  
 nempe vt Sacerdotem ex alio orbe pere-  
 grinum viseret, exploraturus quid tan-



dem hominis foret, quidūe afferret no-  
 ui ex nouo Orbe terrarum. Hæc tantâ *Bonzij stio-*  
 confidentiâ arrogantiaque intonuit, vt *perbia.*  
 facile eum superbissimi Dæmonis mini-  
 strum esse sentires. Mox defixo in Xaue-  
 rium, à quo comiter salutabatur; oculo-  
 rum obtutu, perfunctusque salutationis  
 officijs, ( horum Bonzij admodum sunt  
 liberales ) supercilio plusquam Bonzia-  
 no scitatur ex eo, an ipsum norit: negante  
 illo, quippe qui nunquam antea eum vi-  
 didisset; conuersus ad comites; Apparet,  
 inquit, nihil nobis negocij futurum cum  
 isto, qui Ficarondonum de facie non no-  
 rit. Exin Franciscum intuens, Tenésne  
 memoriâ, inquit, quas mihi merces Fi-  
 noramæ vendideris? negabat ille habere  
 se quod responderet de eo quod penitus  
 non intelligeret: neque enim vnquam  
 mercium institorem fuisse, nec Finora-  
 mam vidisse, nec antea cum eo locutum.  
 proinde quî conuenire, vt ei Finora-  
 mæ vendiderit merces? Bonzius liqui-  
 dò affirmabat, planè id factum esse:  
 illumque, nisi obliuiosus esset, vtique  
 meminisse oportere. Quocirca roga-  
 uiteum Xauerius, vt, quoniam se me-  
 moria deficeret, ipse suggereret. Tum  
 verò ille sanè fidenter, ac vultu insitam  
 superbiam præferens, Redi mecum in

*Bonziorū  
 deliramē-  
 ta Pytha-  
 gorica de  
 migratio-  
 ne animo-  
 rum.*



memoriam, inquit: millesimus & quingentesimus annus est, cum tu mihi centum numero rudis serici saccos Finoramæ vendidisti: quibus ego distrahendis lucri plurimum feci. Hic Xaverius seuerè pariter & comiter eum intuens, scitari, quot annos esset natus: cumque ille unum & quinquaginta respondisset, urgere Franciscus institit, qui tandem abhinc millesimo & quingentesimo anno mercator esse potuerit, qui ante alterum & quinquagesimum annum genitus non esset? nisi fortetum, cum mercaturam exerceret, natus non erat. Iam constare inter vos audio, inquit Xaverius, Iaponiam regionem sexcentesimo ab hinc anno incolam coeptam: qui igitur conuenit, ut ante mille & quingentos annos Finoramæ, quæ illis temporibus mera solitudo erat, exercueris mercaturam? At vide, inquit Bonzius, quâto notiora sint nobis præterita, quàm vobis præsentia. Scito igitur ( quoniam adhuc nescis ) nullum mundi humanique generis principium fuisse, nullum item extremum fore. Itaque hominum animi, quippe immortales, in alia ex alijs deinceps migrant corpora tum marium tum feminarum, pro Lunæ cum Sole astrorumque coniunctione, quæ tenera corporum membra fingit, formatque. Proinde

men-



mentes, quæ valent memoriâ (cuiusmo-  
 di mea est) facillè reminiscuntur omnia,  
 quæcunque in vita gesserint, cùm alia  
 corpora animarent; obliuioſæ autè, qua-  
 lem apparet esse tuam, non item. Haud  
 sanè difficile fuit Xauerio, Philosophorū  
 Theologorumque disciplinis exulto,  
 ista Pythagoræorum Platoniorumque  
 somnia firmis refellere argumentis. O-  
 mnia igitur primū ostendit, mundum  
 æternum non esse, sed à certo tempore  
 conditum: quippe cùm nec per se ipsum  
 extiterit, nec conditori æqualis & coæ-  
 uis esse potuerit. Conditum autem, &  
 hominibus cæterisque animantibus instru-  
 ctum, ab omnium rerum parente & au-  
 ctore Deo. Id cùm pluribus ostendisset,  
 procliuè ei fuit ostendere, animos quo-  
 que hominum principium habere; nec  
 ante corpora, quorum formæ sint, exti-  
 tisse: sed corporibus à Deo ingeneratos,  
 ministerio sensuum corporumque; vti ad-  
 capessendas disciplinas. Quem enim ad-  
 eò cæcum esse, quin videat, animos nec  
 volentes cum tãti boni iactura damnoque;  
 noua ac mortalia corpora subituros, &  
 inuitos in custodias corporum ærumna-  
 rumque; societate se daturus? Quid quòd  
 ratio ipsa conuincat, apud æquissimum  
 hominum Iudicem Deum pro meritis  
 æter-

*Pythago-  
 rica com-  
 menta re-  
 darguit.*

Qs

æter-



æterna vel præmia vel supplicia mortali-  
 bus vita functis constituta: vtique cum  
 ea viuis non persolui satis appareat. Hæc  
 Franciscus euidentibus rationibus, ap-  
 positis similitudinibus & exemplis cum  
 illustrasset; Rex quidē ac Proceres illi as-  
 sentiebantur, illa planè consentanea esse,  
 secundis acclamationibus declarantes. at  
 Bonzius, etsi omnium iudicio euictus,  
 tamen ab insita animo superbia pertina-  
 ciaque repugnabat; ne, suo quoque iudi-  
 cio conuictus, victoriam aduersario ce-  
 dere videretur. Deserta itaque mundi a-  
 nimorumque causa, acriter inuehi in Xa-  
 uerium cœpit, qui præposteram libidi-  
 nem, tanquam nefarium flagitium, acer-  
 rimè accusaret. Satis quippe constare in-  
 ter omnes, licere illam Iaponum legibus,  
 quæ tamen homicidia, adulteria, furti-  
 grauiissimè vindicent. Ad quæ Xauerius,  
 cum planum fecisset, nefarium illud lu-  
 xuriæ genus naturæ, rationi, propagatio-  
 ni sobolis, bonis moribus vel maxime  
 aduersari; respondit minimè mirandum  
 esse, legum Iaponicarū latores, hoc ipso  
 vitio obcæcatos, eius sceditatem non vi-  
 disse; aut, si viderint, legi non coercuisse  
 in alijs licentiam, quam sibi vellent esse  
 communè. Cæterum, vt nulla Iaponum  
 lex id vetet, certè natura legem, in animis  
 homi-



hominum impressam, ipsamq; rationem  
 (nisi malo vsu deprauata sit) planè veta-  
 re. Maximo argumento esse, quòd in ta-  
 libus maxime flagitijs tenebræ ac reces-  
 sus quærantur, arbitrorumq; oculi summa  
 ope fugiantur; & simul quòd maxime  
 promptū sit in probris, si quid tale obiici  
 possit. Iam Ficarondoni pertinacia om-  
 nium iudicio conuicta cedebat verita-  
 ti: ille tamen, quoniam rationes eum de-  
 fecerant, infestis clamoribus proteruius  
 etiam quàm peruiaciùs decertabat. Mo-  
 uit arrogantissimi hominis violentia Re-  
 gem pariter Satrapasq;. Itaq; vniuersi ac-  
 clamare cœperunt, si bellandi causa ve-  
 nisset, in Amangucianum Regnum facer-  
 feret, quod tum foret in armis: ibi prælij  
 copiam illi non defuturam. nam ipsis pa-  
 cem & otium esse cordi. Quòd si disputan-  
 di gratia accessisset; abstineret iracundiã  
 pertinaciãque: imitaretur peregrinum  
 Sacerdotem, quo cum disputaret: eius v-  
 tiq; moderationem modestiamque in-  
 disserendo, ipsi exemplo esse debere. Tum  
 verò Bonzius, vt præceptis ingenio in-  
 iram erat, prouectus intemperantia lin-  
 guæ in maledicta Procerum Regisque,  
 furere debaccharique cœpit. Ergo Rex,  
 accensus irâ, confestim exturbari ho-  
 minem Regia iubet, sanctè adiurans.

*Bonzius  
 procax  
 peruicia*



nisi sacerdotij reuerentia obstaret, ceruices eius frangi fuisse iussurum.

## CAPVT XIV.

*Francisci constantia in consternatione  
BonZiorum.*

**H**Æc tam insignis ignominia BonZiorum nomini (vt ipsi interpreta-  
bantur) iniusta, seditionem eorum matura-  
rauit. Itaque ex composito omnium fa-  
norum valux in vrbe Regia clausæ; po-  
pulus Proceresque sacris prohibiti: iam-  
que res prope seditionē etiam plebis ve-  
nerat; cum Rex prudenti dissimulatione  
& gliscentem BonZiorum consternatio-  
nem, & multitudinis motum, facile seda-  
uit. Inter hæc Lusitani, quæ populi tu-  
multum, quæ BonZiorū iram veriti, stre-  
nuè se in portum receperant: auctores-  
que fuerant Xauerio, vt ipse quoque tem-  
pori cederet, seque impendenti periculo  
eximeret. Cæterum ille, Catechumeno-  
rum orbitatem causatus, morem eis ge-  
rere abnuerat. Itaque Lusitanis Franci-  
sci vicem sollicitis, ne talem virum pro-  
derent barbaris, placuit Gamam ipsum  
in vrbem redire, qui inde eum abstrahe-  
ret prius, quam aliquid acciperet incom-  
modi:

*Bungenfis  
Regis pru-  
dentia.*